

Пешготьна Институте

Института Вэлгэр'андьна К'ьтеба Пироз р'азibuна хwэ дьдэ ван wэлгэр' у сэрр'асткьред ве К'ьтеба Пироз, öса жи әвед ма-йинэ кö ль гора карина хwэ алик'ари данэ бона һазьркьрьна ве к'ьтеба Мьзгинийа Иса Мәсиһ, аwа готи Пәймана Ну бь зьмане к'өрдийа зараве кöрманщи. Әм пьр' ша нэ, кö чэнд ньвиск'аред к'өрдэ жь чэнд wэлата жи хwэ ль wэлгэр'андьна (т'әрщьмәкьрьна) Пәймана Ну гьртьнэ. Әв жи ви һ'але гьранда гавәкә пешдачуйина зьмане мьлэт ә, öса жи хwәйкьрьна зьмен ә. Әм бь дьләки ша ве К'ьтеба Пироз, Пәймана Ну п'ешк'еши хwэндәванед һежа дькьн.

Әw wэлгэр'андьна дөсте wәда жь бәр we Мьзгинийе һатийә гьртьне, йа кö алийе Институтеда сала 2000-и һатийә нәшьркьрьне, ньһа т'әне бь сьвькайи һатийә леньһер'андьн у сэр'асткьрьне. Пештьри we йәке жи, шьровәкьрьн у фәрһәнгок жи һатьнэ зедәкьрьне. Институт р'азibuна хwэ дьдэ ван жи, йед кö пешнийари у к'омәка сэрр'асткьрьне данэ.

Wэлгэр'андьна Пәймана Ну бь зьмане к'өрд

Незики дө һ'әзар сал пешда, Пәймана Ну бь зьмане йунанийа кәвьн һатийә ньвисаре. Жь һьнгева һ'әта ньһа әw бь гәләк зьманед дьнйае һатийә wэлгэр'андьне. Дьнйаеда иро незики шәш һ'әзар һ'әйсьд зьман һәнэ. Т'әмамия Пәймана Ну ньһа незики һ'әзар дөсьд зьмани һатийә wэлгэр'андьне. Гәләк жь ван мьләтед кö бь ван зьмана хәбәр дьдьн у Пәймана Ну бь зьмане ван wэлгэр'анди һәйә, һ'әсабе ван гәләки жь һ'әсабе мьләте К'өрд һьндьктьр ә.

Әва к'ьтеба ль гора зарав у р'езьманийа кöрманщия wәлатед Кафказеда (wәхтәке Советеда) һатийә ньвисаре. Сала 1827-а чэнд п'аред К'ьтеба Пироз бь кöрманщия һәк'арийе һатьнэ wэлгэр'андьне. Сала 1856 у сала 1857-да пешийе Мьзгинийа ль гора Мәтта у паше һәр чар Мьзгини бь кöрманщия Харп'уте (незики Әлазыге) бь һ'әрфед әрмәни Стәмболеда һатьнэ нәшьркьрьне. Сала 1872-а т'әвайийа Пәймана Ну диса хут wi заравида һатийә нәшьркьрьне.

Жь сала 1900-и һ'эта ньһа чэнд п'аред жь Пәймана Ну, өса жи т'эмамия Пәймана Ну бь чэнд заравед к'орди һатьнә нәшъркьрьне (мәсәлә, көрманщия Т'ьркйайе, бә'дини, к'әрманшаһи, мукри, сорани). Ван ахьрийада жи чэнд к'ьтебед вәлгәр'андьна иройин жь алийе Института Вәлгәр'андьна К'ьтеба Пирозва бь көрманщия вәлатед Кафказеда р'онайи дитьнә: Сала 1993-а к'ьтеба Мьзгинийа Мәтта дәрк'әтийә у 1996-а жи к'ьтеба Мьзгинийа Луца у К'аред Шандийа. Сала 2000-и т'эмамия Пәймана Ну дәрк'әтийә, һ'име к'ижане ньһа сәрр'асткьри дәсте вәда йә.

Щур'е (мет'ода) хәбата ве вәлгәр'андьне

Әва к'ьтеба жь алийе к'ома Институтеда һатийә вәлгәр'андьне. Канийа ве к'ьтеба к'ордийә вәлгәр'анди жь к'ьтеба Пәймана Нуйә бь зьмане йунани йә, аһа готи «The Greek New Testament»*. Әв тек'ста йунани сәр дәстньвисаред һәрә кәвьнә қәнщ һ'имгьрти йә, йед кө иро һәнә. Нав дәстньвисаред йунанийа кәвьнда чэнд фьрқийед кө тенә бәр ч'ә'ва һәнә, боһа к'ижана жера р'уп'әлед к'ьтебе һатьнә шьровәкьрьне. Ләма фьрқийед бьч'ук шарна дьк'әвьнә һава ве вәлгәр'андьне у вәлгәр'андьнед зьманед башқә.

Мәрәме вәлгәр'андьне әв бу, кө һьн вәлгәр'андьн жь тек'ста йунани дур нәк'әта у фә'мина ве жи мина йунани буйа, һьн жи кө фә'мина йунани р'аст бьбуйа стила көрманщикә хвәшә зәлал у бәдәвә иройин.

Института Вәлгәр'андьна К'ьтеба Пироз

101000 Россия

Москва, Главпочтамт, а/я 360

Институт перевода Библии

* The Greek New Testament – жь алийе United Bible Societies-да нәшъркьри йә, р'едакторийа 4-а, 1993, Штутгарт, Германия.

Пешготьна бона Пэймана Ну

К'ьтеба кӧ вә гьртийә дәсте хвә, жер'а дьбежьн «Пэймана Ну». Пэймана Нуда бист һ'әфт к'ьтеб һәнә. Эвана пешийе бь зьмане йунани һатьнә һьвисаре. Ынгә эв зьман зьманәки щьмә'ти бу, кӧ п'ьр'анийа щьмә'та Императорийа Р'омайе, ава готи мьләтед дор-бәред Бә'ра Сьпи (Бә'ра Навин) р'ьһ'әт фә'м дькьрьн у хәбәр дьдан.

Ньвисаред Пэймана Ну т'әви йед Пэймана Кәвьн һәвр'а дьбьнә т'әвайийа К'ьтеба Пироз (ава готи «Библия»). Ньвисаред Пэймана Кәвьн у Пэймана Ну дәрһәқа ван һәр дӧ пэйманада дьбежьн, йед кӧ Хвәде т'әви щьмә'та Хвә гьредан. Пэймана Кәвьнда ньвисар ә кӧ чава Хвәде т'әви щьмә'та Хвә Исраеле пэйман гьреда у Қанун* бь дәсте Муса да ван. Пэймана Нуда жи ньвисар ә кӧ чава Хвәде т'әви щьмә'та Хвә, ава готи щьвина һ'әму бәвәрмәндәд Иса Мәсиһә жь һәр мьләти пэйманәкә дьн гьреда. Эв пэйман пе дәсте Иса Мәсиһ һатә гьредане. Ымбәри ве пэймана Хвәдейә кӧ Ви т'әви щьмә'та Исраеле гьреда, эва «ну» йә (Ибрани 9:11-15).

Һәр чар к'ьтебед пешьнә Пэймана Нур'а бь йунани дьбежьн: «ЭӦАГГЕЛИОН». Хәбәра «Инцил» жь ве те у бь кӧрманщи те фә'мкьрьне «Мьзгини», ава готи «хәбәра хере». Эв к'ьтеб дәрһәқа жийин у қӧльхе Исада дьбежьн.

Пәй ван һәр чар Мьзгинийар'а к'ьтеба «К'аред Шандийа» йә. Эва к'ьтеба шә'дәтийа ве йәке дьдә, чава пешийе бәвәрийа сәр ве Мьзгинийе дьнйайеда бәла дьбу.

Пәй вер'а жи бист йәк нә'мә һәнә, кӧ жь алийе шандийа у бәвәрмәндәд дьнә сәдсалийа пешьнда һатьнә һьвисаре. Ынәк жь ван нә'ма, бәрбьр'и щьвинед щур'ә-щур'ә бажара дьбьн, һь-

* Пэймана Нуда хәбәра «Қанун» бь һ'әрфа мәзьн һатийә ньвисаре гава бә'са Қануна Муса дькә, ава готи Қануна Хвәде. Ле гава бә'са қанунед дьн дькә, хәбәра «қанун» бь һ'әрфа бьч'ук һатийә ньвисаре.

Пешготьна бона Пәймана Ну

нәк жи һәма хут бәрбър'и бавәрмәндед шәхси дьбьн (Фьлимон, Тимот'ейо у йед майин). Мәрәме ньвиск'аред ван нә'ма әw бу, wәки ширәта бьднә бавәрмәнда у һинкьрьна қөльхе Иса ван-р'а шьровәкьн.

Хөләсә к'ьтеба бист һ'әфтайә пашьнә Пәймана Нуда, к'ьтеба «Ә'йантийе» йә. Әва к'ьтеба пе дитьнок у хәбәрәд сөр'ийә сим-воли дәрһәқа Хөдантийа Иса Мәсиһ у сәрк'әтьна П'адшатийа Хwәдеда дьбежә.

Бона аликърьна хвэндэвана

Бона аликърьна хвэндэвана чэнд тышт хатьнэ һазькърьне.

Пешготьнед һәр к'ьтебөке:

Бона һәр к'ьтебөкө Пәймана Ну пешготьнәк һәйә. Әв пешготьн ван ахьрийада бона хвэндэванед ви зәмани хатьнэ һазькърьне, вәки зу сәр фькър у мәрәмед һәр 27 к'ьтеба вәбьн.

Сәрньвисаред п'ара:

Нава вәлгәр'андьнеда һәр п'арәкө бьч'ук бь сәрньвисарәке дәстпедьбә. Мәсәлә, Мәтта 1:1 бь сәрньвисара «Р'ьк'ьнйата Иса» дәстпедьбә, Мәтта 1:18 бь «Буйина Иса» дәстпедьбә, Мәтта 2:1 бь «Стәйрнасед р'оһьлате» у йед майин. Әв сәрньвисар дәстньвисаред ә'сасида т'өнәнә, ле ван ахьрийада бона алик'арийа хвэндэвана хатьнэ һазькърьне, вәки хвэндэван заньбә, мәрәм йан фькьра ве п'аре сәр чь йә.

Нав-нишанед р'езед һөвал-фькър:

Өса жи бона алик'арийа хвэндэвана, гава р'езед һөвал-фькър бона п'арәке һәнә, нав-нишанед ван бьн сәрньвисарада хатьнә ньвисаре. Р'езед һөвал-фькър бә'са ван щийа дькьн, к'идәре хут әв сәрһати йан фькьред ван һөв дьгьрн. Мәсәлә, бьн сәрньвисара Мәтта 1:18 кө дәрһәқа «Буйина Иса»-да дьбежә, Луца 2:1-7 нава кәванада һәйә, чьмки ль ви щийи жи дәрһәқа буйина Исада те готьне.

Шьровәкърьнед жере:

Нава к'ьтебеда ль жера р'уп'әла шьровәкърьн һәнә. Һәгәр ньвисареда һун сәр хәбәре стәйрке «*» бьбиньн, ви чахи сәр ви р'уп'әли жере шьровәкърьне бьхуньн.

Һ'әрфед тә'ри:

Чэнд щара нава ньвисареда һ'әрфед тә'ри хатьнә ньвисаре. Әва хәбәра ль гора зьмане йунани дәрбе дьстиньн. Лазьм ә кө хвэндэван хвэндьна хвәда гьрани бьдә ван хәбәра. (Мәсәлә, бьхуньн: Йуһ'әнна 5:45; Галати 3:12.)

Шькъл, навниш у хэритэ:

Нава ве к'ьтебеда, илайи пышта к'ьтебеда шькъл, навниш у хэритэ һэнэ, кө к'омэке дьднэ хвэндэвана. Эвана жь али-йе занавалы гора култур у т'ариха зэмане Иса Мэсидә һатнэ һазьркьрьне.

Фэрһэнгок:

Фэ'минед гэлэк хэбәред гьран у нэнас нава фэрһэнгокеда һатнэ шьровэкьрьне. Гава р'асти хэбәред зэ'мәт бен, йед кө лы щәм ван эв нишан «Ф» һэйә, жь к'эрэма хвэ фэрһэнгока пэй к'ьтебе бьньһер'ьн.

Нав-нишанед хэбәред к'ьлитэ сэрәкә:

Хьлазийя к'ьтебеда өса жи нав-нишанед хэбәред к'ьлитэ сэрәкә һэнэ. Веда гэлэк хэбәред к'ьлитэ сэрәкә мина «бавәри», «гөнә», «дөа» у йед майин һэнэ. Бьн һәр хэбәреда жь Пәймана Ну чәнд ши һатнэ к'ьфшкьрьне, вәки хвэндэван бькарьбә ве хэбәреда к'ур бә.